



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

37. Perlustrato per &c. Resolutio plurium dubiorum Oeconomicam
administrationem Archiconfraternitatis Sancti Hieronymi Charitatis Urbis,
& pia Opera, quæ ibidem exercentur, respicientium.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1708.

nec non Decreti Sac. Congregationis Consultationibus hujus nostrae Familiae praeposita, approbante Sanctissimo, sub Dat. die 4. Junii 1628. declarat ejusmodi Capsulas statui, ac Professioni Fratrum Minorum de Observantia esse repugnantes, & proinde Fratres nostros non comprehendi sub praeepto hujusmodi de retinendis praedictis Capsulis in Sacristiis, vel suis Conventibus, & si opus fuerit supplicetur SS. pro confirmatione hujus declarationis per Officiales Familiae: Harum autem Constitutionum legalitatem impugnat modernus V. Commissarius Generalis Familiae Cisfontanae, autumans eas fuisse efformatas proprio Marte mox Defuncti P. Generalis Ordinis, circa consensum Generalis Capituli; Sed earum loco, hoc aliud exhibuit documentum. In Registro Curiae Aracelitanae factum ab Anno 1700. usque ad Annum 1704. fol. 22. num. 7. inter alia sic legitur. Circa Capsulam pro conservatione eleemosynarum pro Missis celebrandis recipiendarum in Sacristiis omnium Regularium, etiam Mendicantium cum amplissimis derogatoriis omnium in contrarium quomodolibet disponentium a Sacra Congregatione Concilii in novissimis Decretis de Celebratione Missarum observari mandatum cum circumstantiis in ea materia dispositis, Discretorium Generale optat, ut supplicetur Sanctissimo pro dispensatione Observantium ab obligatione eas Capsulas retinendi; At Discretorium Generale rogat Reverendiss. P. Generalem, ut perpensis perpendendis, mandet id fieri, & respectivè supplicari, quod sibi melius in Domino, ac Ordini utilis videbitur expedire.

Ancipites valde sunt Religiosi praefati Ordinis, utram in partem se dent super hujusmodi Capsularum retentione, exindeque in varias abiierunt interpretationes, cum praepudiciali diffinitate regularis Instituti, utpote, qui Innocentianam Constitutionem servandam contendunt, Capsulas ad usum revocarunt, caeteri vero, qui supra relatis Ordinis statutis conmittuntur, eadem abjecerunt; Propterea praenominatus V. Commissarius Generalis ad restituendam in hac parte debitam Regulam uniformitatem, reverenter expetit ab EE. VV. declarationem, an sui Religiosi observantes Regulam D. Francisci comprehendantur sub primodicta Constitutione Innocentiana de Capsulis retinendis pro Missis celebrandis.

Eminentissimus Ordinis Protector informare desuper requisitus praallegatas dispositiones liberrando, non dubitat hosce Fratres Minores Observantes comprehendi sub d. Constitutione Innocentiana, eo quod illa specificè de Regularibus Mendicantibus loquatur, atque praememorata Religiosis Statuta ex adverso recensita non obviare, subdit. attenta speciali eorundem derogatione in eadem Innocentiana contenta, quin, & ulterius Eminentiss. Relator allegando Indultum san. mem. Gregorii XIII. permittentis usum hujusmodi Capsularum in Sacristiis dd. Fratrum, pro aservandis eleemosynis in dies oblati, quod refertur ab Auctore Orb. Seraph. tom. 3. pag. 382. col. 2. & pag. 446. col. 1. censet nullum se se deprehendere inconveniens in earum usu quoties tamen retineantur cum cautela, in locis non publicis, ne in apparentia offendatur paupertas, sed aserventur Claves, apud Syndicum Apostolicum, & Superiorem localem respectivè, ad formam Constitutionis Innocentianae, ut latius in ejusdem relatione per manus circumferenda. His itaque expensis emergit dubium sapientissimè ab EE. VV. resolvendum.

An, & quomodo Minores Observantes valeant retinere Capsulas pro Missis celebrandis in casu &c.

Die 7. Julij 1708. Sacra Congregatio Eminentiss.

morum S. R. E. Cardinalium Concilii Tridentini Interpretum respondit negativè.

B. Card. Panciaticus Praef.

V. Petra Secr.

RESOLUTIO.

V.

Plurium dubiorum Oeconomicam administrationem Archiconfraternitatis Sancti Hieronymi Charitatis Urbis, & pia Opera, quae ibidem exercentur, respicientium.

Romana Operum Piorum.

Perlustrato per Eminentiss. Mariscottum jussu Sanctissimi Domini Nostri moderno statu omnium reddituum, & onerum Archiconfraternitatis S. Hieronymi Charitatis Urbis, non levia detecta fuerunt inconvenientia, propter quae locus iste indies deterior fieri videtur cum maximo praepudicio Operum Piorum à Fundatoribus injunctorum, quorum exercitium haecenus defuisse, & posthac planè defuturum nocetur: Ad reparandum itaque, quo fieri potest, aequiori modo id grave detrimentum, Officiales & Deputati ejusdem Loci humiliter preces eidem Sanctissimo porrexerunt ad hanc Sacram Congregationem remissas, haec media desuper suggerentes.

I. Quod cum praefata Archiconfraternitas gravata sit ingenti aere alieno pertingente summam scutorum 92201. 48. ex eo proveniente, quod effectus, & reditus a piis Benefactoribus relicti erogati olim fuerint, & annuatim erogentur in aliis Operibus, quam ab eisdem Benefactoribus praescriptis, itaut anno quolibet Exitus Introitum superet in scutis 3140. 15. Ac vice versa cum eadem Archiconfraternitas possideat Capitale liberum ad omni onere scutor. 41837. 94. ideoque supplicarunt pro facultate convertendi, & applicandi hoc Capitale liberum in extinctionem praememorati debiti.

II. Admissa hujusmodi petita applicatione, cum nulli alii superint dicto Loco Pio reditus pro solvendis annuis scutis 459. quae requiruntur pro mercede Ministrorum incumbentium administrationi reddituum, idcirco exorarunt pro facultate detrahendi singulis annis ex proventibus cujuscumque hereditatis, donationis, & legati ratam partem proportionabiliter usque ad constandam dictam summam annuorum scut. 459.

III. Cum haecenus rationes omnium reddituum tam liberorum, quam oneribus obnoxiorum extiterint sub confuso, ita ut aliquatenus defurum fuerit ab adimplemento Operum Piorum à Testatoribus praescriptorum, quin & ulterius plus expensum fuerit in adimplendis aliquibus oneribus, quam essent reditus assignati, & vice versa detractum aliis oneribus, quorum reditus illis correspondebant, licet revera non alias, quam in piis & charitativis operibus proventus expensi fuerint: Cumque modò ex rerum involuero, & temporis antiquitate praedicti excessus, & defectus liquidari nequeant, ac nimis ardua dignoscatur singulorum ad singula reintegratio quinimò adhuc omnibus liquidatis nulla quidem compensatio sequi potest ex notoria Archiconfraternitatis inopia, ideoque attenta eorum bona fide Oratores supplicant pro sanatione gestorum in praeteritum, eorumque approbatione.

IV. Ad evitanda in posterum similia adfurdà, rogant insuper pro reductione onerum Mis-

farum,

1708.

farum, Subsidiorum dotalium, aliorumque piorum Operum eidem Loco incumbentium, attentam notabili diminutione reddituum illis correspondentium, vel ex naturâ rei, vel ex facto Principis sequuta.

V. Subjiciunt tandem preces Oratores ipsi, ut in futurum, quotiescunque casus eveniat diminutionis reddituum, ipsimet fiat facultas faciendi congruas onerum reductiones.

Eminentissimus Mariscottus Relator pro informatione requisitus, rebus maturè pensatis quoad primam Instantiam censet, posse indulgeri modo expresso ab E. S. in solio assignando pro reintegratione cujuslibet hereditatis certa bona libera ejusdem Oratrici, exprimendo, singula bona: Quoad secundam petitionem, admittendam esse putat, stante necessitate Ministrorum, indicatque E. S. provisiones pro singulis Ministris: Quoad tertiam censet, si Sanctissimo placuerit, petitam absolutionem concedi posse, cum excessus, & defectus enunciati ex rerum involucro, ac temporum vetustate in præsens liquidari non possint, & quatenus etiam liquidarentur, ob notam Archiconfraternitatis indigentiam exequi non valeant. Et demùm quoad quartam, & quintam pariter instantiam, onerum reductionem in futurum concedendam esse arbitratur, ad rationem reddituum, juxta methodum per E. S. labore non parvo expressam in folio separato, prout etiam attribui posse Eminentissimo Protectori dictæ Ven. Archiconfraternitatis facultatem moderandi onera in casu minorationis reddituum, & hoc pro faciliiori rei expeditione, & celeri piarum voluntatum adimplemento, cum certa, & invariabilis regula singulis quibuscunque annis dari nequeat in futurum pro memoratâ reductione. Dignentur itaque Eminentissimi Patres eorum sapientissimum Oraculum præbere.

An, in quibus, & quomodo petitis sit annuendum &c.

Die 7. Julii 1708. Sacra Congregatio Eminentissimorum S. R. E. Cardinalium Concilii Tridentini Interpretum, attentâ relatione Eminentissimi D. Cardinalis Mariscotti; quoad primam instantiam benignè commisit eidem Eminentissimo, ut veris existentibus narratis, & præviâ Oratorum absolutione à quibuscunque censuris, & pœnis, petitam facultatem erogandi præfatum liberum Capitale scutorum quadraginta unius milium octingentorum octoginta septem, & obulorum nonaginta quatuor in dissolutionem, & extinctionem supra enunciati aeris alieni pro suo arbitrio, & prudentiâ Oratoribus gratis impartiat. Secundam petitionem benignè remisit arbitrio ejusdem Eminentissimi Relatoris, qui pro suâ prudentiâ super gerat, statuat, atque decernat, quod sibi magis in Domino expedire videbitur. Quoad tertiam instantiam eidem Eminentissimo Relatori commisit, ut in præteritum gesta sanè dumtaxat, atque convalidet. Quo verò ad petitam quarto loco reductionem Missarum, Subsidiorum dotalium, aliorumque piorum Operum, eidem Eminentissimæ Suæ commisit, ut vocatis, si qui fuerint vocandi, ac maturè pensatis omnibus, & singulis hujusmodi Foundationibus, seu Legatis, firmis remanentibus oneribus congruam Eleemosynam habentibus, ac provenientibus ex contractu inito cum Archiconfraternitate, necnon Missis, quæ à piis Fundatoribus, seu Testatoribus in eorum dispositionibus fuerint prædilectæ, & subsidiis dotalibus antepositæ, ea dumtaxat Missarum onera, commutatis Anniversariis in tot Missas lectas ad rationem Eleemosynæ manualis, more Urbis inspecto, ac subsidia dotalia, & alia pia Opera, juxta proportionatam reddituum quantitatem, dempto, ex eis obulo pro qualibet

Missâ, in causam sacrorum Utensilium erogando, quatenus Ecclesia redditus ad hunc effectum assignatos non habeat, juxta *Constitutionem sanctæ mem. Urbani VIII. de celebratione Missarum*, pro suo arbitrio, & prudentiâ moderetur, atque reducat, quæ taxativè à piis Fundatoribus concepta fuerint. Secus verò, si foundationes, seu Legata prædicta demonstrativè concepta erunt, quo casu eadem Sacra Congregatio censuit, non esse locum reductioni, sed agendum esse contra hæredes Fundatorum ad perpetuam injunctorum onerum mantentionem, & ad supplendam summam deficientem, tam pro præterito, quam pro futuro tempore. Quatenus autem quoad onera demonstrativè concepta, factis judicialibus, & possibilibus diligentibus, vel hæredes cogendo, vel Testatorum bona non reperiantur, super quibus Oratorum conscientia onerata remaneat, tunc censuit, *opera ipsa reduci posse proportionabiliter, ut supra*: Ita tamen, ut si quando redditus augeantur, augeri quoque debeat ad ratam Missarum numerus, & quantitas dotium, aliorumque piorum operum, non autem diminuatur in casu diminutionis eorundem reddituum, sed in casibus particularibus ad eandem Sacram Congregationem recurratur, quod in actu præsertim visitationis erit inspiciendum. Ut autem in futurum cautius & diligentius procedatur, tum in acceptandis piis Legatis cum onere Missarum, tum in adimplendis jam acceptatis, sæpèdictæ Sacra Congregatio præfato Eminentissimo Relatori pariter commisit, ut Deputatis & Officialibus prædictæ Archiconfraternitatis strictè injungat observantiam dictæ Constitutionis sanctæ mem. Urbani VIII., & Innocentii XII. super celebratione Missarum.

B. Card. Panciaticus Præfectus.

V. Petra Secretarius.

Romana Applicationis Missarum, & Subsidii Dotalis.

EXponunt Officiales, & Deputati Archiconfraternitatis S. Hieronymi Charitatis Urbis, quod olim PP. Minoris Observantiæ Provinciæ Romanæ dimiserint in manibus sanctæ memoriæ Clementis VII. Ecclesiam S. Hieronymi, ejusque Conventum, Sacrarium, sacra suppellectilia, multasque domus adjacentes, quodque idem Summus Pontifex eandem Ecclesiam cum supradictis membris univerit præfate Archiconfraternitati eâ lege, ut ibi retineri non possent, nisi Sacerdotes Seculares, qui tenerentur, vel per se, vel per alios Cappellanos celebrare saltem octo Missas lectas quotidianas, & diebus festis Missam solemnem canere cum Vesperis, & Completorio absque expressione applicationis Sacrificij; Necnon, quod cum Joannes Baptista Fossa duas dotes distribuendas reliquerit per dictam Archiconfraternitatem, his verbis: *Mandavit, quod de omnibus suis bonis prima vice tantum exponantur in ornamentum, & beneficium Sacristiæ S. Hieronymi Charitatis scuta quinquaginta, & reliquis annis futuris de suis introitibus nubantur Puella duæ modo, & forma, prout alia nuptui tradantur ultra numerum solitum à dicta Societate*: Hinc supplicavit declarari infra scripta dubia, super quibus auditus Eminentissimus Mariscottus Relator rationes hinc inde adducit quoad primum, sed votum non aperit. Quo verò ad secundum putanda deberi dotes distribui non ad rationem scutorum triginta pro qualibet, prout aliæ distribuuntur à dictæ

1710.

Archiconfraternitate, sed ad ratam fructuum hæreditariorum, remittendo totum iudicio EE. PP., qui exorantur resolvere.

Primò. An Sacerdotes hodierni Ecclesiæ S. Hieronymi numero octo possint Sacrificium applicare in satisfactionem aliorum eorum à Testatoribus inunctorum post unionem Archiconfraternitatis prædictæ, seu potius teneantur applicare pro Benefactoribus ante unionem in casu &c.

Secundò. An duæ dotes distribuendæ ex dispositione Joannis Baptistæ Fosse debeant esse in summa scutorum triginta pro qualibet, comprehensa veste, sive pro intranti quantitate integri fructus hæreditatis prædictæ in casu &c.

Die 7. Julii 1708. Sacra Congregatio Eminentissimorum S. R. E. Cardinalium Concilii Tridentini Interpretum respondit ad primum Affirmative quoad primam, & negative quoad secundam partem: Ad secundum Negative quoad primam, & affirmative quoad secundam partem.

B. Card. Panciatius Præfectus.

V. Petra Secretarius.

EPISTOLA.

VI.

Encyclica ad universos Italiæ, Insularumque adjacentium Ordinarios jussu Summi Pontificis conscripta, qua pium Exercitiorum spiritualium opus ipsis maxime commendatur, & Clericis, Sacerdotibus, aliisque Ecclesiasticis illa peragentibus plura ex Apostolicâ benignitate indulgentur.

Reverendissime Domine uti Frater. Inter gravissimas Pastoralis Officij curas, quibus Sanctissimus Dominus Noster assidue premitur, in eam præcipuo studio incumbit, ut quicumque in sortem Domini vocati sunt, præsertim verò Sacerdotes, & animarum Rectores, tum sacrarum Literarum, Divinarumque rerum scientiâ, tum etiam vitæ, morumque honestate cæteris antecellant, ac in omnibus, juxta monitum Apostoli, præbeant semetipsos exemplum bonorum operum in doctrinâ, in integritate, in gravitate. Cum etenim ipsi sint sanctiora Ecclesiæ membra, Dispensatores mysteriorum Dei, Christiani Populi Duces, & Magistri, Mediatores inter Deum, & Homines, lucernæ super candelabrum positæ, ut luceant omnibus, qui in Domo sunt; Nihil est, quod alios magis ad pietatem, divinumque cultum accendat, quàm illorum vita, & exemplum; Omnes siquidem in ipsos, tamquam in speculum, oculos coniciunt, ut inde sumere possint, quod imitentur. Porrò cum diuturnâ experientia compertum sit ad retinendam, conservandamque Sacerdotalis Ordinis dignitatem, & sanctimoniam maxime conducere, ut Ecclesiastici viri spiritualibus Exercitiis aliquando vacent, quibus quidquid sordium de mundano pulvere contractum est, commodè detergitur, Ecclesiasticus spiritus reparatur, mentis acies ad divinarum rerum contemplationem extollitur, rectè, sanctèque vivendi norma vel instituitur, vel confirmatur; Proinde Sanctitas Sua pro eximio, quo flagrat, omnium salutis zelo vehementer exoptans, ut pium hoc, & saluberrimum exercitiorum spiritualium opus ubique locorum magnoperè frequentetur, ac vigeat, universos Patriarchas, Archiepiscopos, Episcopos, cæterosque tum Italiæ, tum etiam Insularum adjacentium Ordinarios enixè admonet, ac in Domino hortatur, ut dilu in sua quisque Dioecesi, quo majori poterunt

conatu, & studio promovere satagant; præcipuè verò iis dillicite injungit, ac præcipit, ut, quæ dudum san. mem. Innocentius XI, P. M. per encyclicam Epistolam à Sacrà Congregatione Episcoporum, & Regularium Consultationibus præpositâ ad universos Italiæ, Insularumque adjacentium Episcopos datam die 9. Octobris 1682. quoad hujusmodi Spiritualia Exercitia à singulis Clericis decem dierum spatio antequam ad sacros Ordines assumantur, peragenda mandavit, exactè, ac inviolabiliter observari, & exequi curent, & quos iisdem exercitiis per antedicti temporis spatium minime operam dedisse cognoverint, à sacrà Ordinatione repellant penitus, & arceant, Præterea Sanctitas Sua eosdem Ordinarios admonet, & hortatur, ut fructu, qui sanè uberrimus ex prædictis spiritualibus Exercitiis percipitur, opportunè proposito, ac explicato univerfos ex Clero sibi subjecto, sed præcipuè animarum Rectores, Confessarios, Canonicos, aliisque Beneficiatos Chori servitio adstrictos diligenter excitent ad eadem Exercitia saltem semel in anno peragenda in domibus Religiosorum Societatis Jesu, seu Presbyterorum Congregationis Missionis, si adsint, sin minus in alia pia, seu Regulari Domo ab ipsis Ordinariis ad id designanda, & approbandâ. Ut autem alacrius ad ejusmodi spirituales fecestum singuli conveniant, Sanctitas Sua omnibus præfatis animarum Rectoribus, Confessariis, Canonicis, Beneficiatis, aliisque Sacerdotibus, & Clericis, qui per decem dies sigulis annis, eadem Exercitia peregerint in domibus præfatis, ibique diu, noctuque permanserint, ac interea temporis verè penitentes, & confessi Sacrosanctum Eucharistiæ Sacramentum sumpserint, quoties id egerint, plenariam omnium suorum peccatorum indulgentiam, & remissionem misericorditer in Domino elargitur. Parochos insuper per idem tempus semel tantum in anno exercitiis hujusmodi vacantes à residentiâ benignè absolvit; Quod ipsum servari præcipit quoad Canonicos, Beneficiatos, aliisque personali residentiâ obstrictos, & Chori servitio mancipatos, quos nihilominus lucrari decernit integros fructus, & quotidianas suorum respectivè Canonicatum, & Beneficiorum distributiones quascumque, perinde ac si Choro, Divinisque Officiis personaliter interessent, dummodò tamen eadem Exercitia peragant, obtentâ prius ab Ordinario licentiâ, à quo nullatenus concedenda erit Adventus, & Quadragesimæ tempore, ac in solemnioribus Festivitatibus, nec unquam omnibus simul Canonicis, aliisque Choro inservientibus, sed eo adhibito modo, ut Chori servitium nequaquam intermitteretur, & quoad Parochos, idoneis prius subregatis Oeconomis ab ipsemet Ordinario approbandis, qui animarum curam laudabiliter administrant, Mandat insuper Sanctitas Sua, ut hæ literæ publicentur in istâ Dioecesi, & in Cancellariæ regestis pro perenni eorum, quæ in illis continentur, observantiâ describantur, & ad hunc ipsum finem quolibet triennio earum publicatio in posterum renovetur.

Quæ omnia ita diligenter ab Ampl. tuæ vigili providentiâ, ac pastorali sollicitudine præstanda fore confidit Sanctissimus Pater, ut à Sanctitate Suâ laudem, à Cœlesti verò bonorum operum Retributore condigna præmia valeat promereri; Et Ampl. tuæ copiosa divinarum Christum incrementa ex animo precor. Ampl. tuæ Dat. Romæ die 1. Februarij 1710.

Uti Frater.

Bandinus Card. Panciatius Præfectus.

V. Petra Secret.

EPISTOLA

1710.